



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

X. Die Septembris.

**urn:nbn:de:hbz:466:1-9625**

## X. DIE SEPTEMBRIS.

P. CAROLVS  
SPINOLA, SEV

P. IOSEPHVS A CRUCE  
CVM OCTO SOCIIS.

Italus Nan-  
gafachi.  
1612. ætat.  
58. Soc. 17.  
10. Sept.

Charitas.

2. V.

Zelus.

Noctiu.  
Mortific.

Mensis.  
Oratio.

**H**eros hic fuit illustrissimi sanguinis, & virtutis. In Lusitanico itinere ab Anglis hæreticis captivus abuectus in Angliam; inde liber, in Lusitaniam, Indiam, Iaponiam ap- pulsus est. Meaci septennio Minister fuit Collegij, charitate tantâ, vt quos eâ incendi volebât P. Franciscus Paccus, iis author fuerit, vt frequenti Caroli Spinolæ consuetudine vterentur. Familiare illi fuit Beatissimam Virginem novies verbis Angelicis salutare constanter, ac sæpè, in honorem novem illorum mensium quibus Christus paruulus in virgineo ac materno eius vtero habitavit. Paruulo in campis animam agentem aquam è strophio- lo in caput dissimulanter expressit, eû- que baptizavit; & paruulus breui edidit animam expiatam. Ea res P. Carolo tanto solatio fuit, vt id vnicum totius Iaponicæ suæ navigationis & laborum abundè magnum pretium sibi esse sit testatus. Cum valeret, noctibus propè singulis (nec rarè ad sanguinem vsque) se verberabat. Fructus Iaponicos cum magnoperè appeteret, per plures annos non gustavit: postea tamen iussus, obtemperavit. Quotannis per mensis vnus intervallum sese recipiebat ad silentium exercitiorum. In sæuissima contra Christianos persecu- tione, sub Iosephi à Cruce nomine oc- cultus latuit ad opitulandum Christi

fidelibus: & iniquissimis licèt illis tē-  
poribus quinque millia capitum bap-  
tismo lustravit. Tandem 14. Decem-  
bris anni 1618. Omuræ abreptus est in  
carcerem, in colle ventis & omnibus  
cæli iniuriis peruium, angustum eo-  
que multifariam arumnosum: in quo  
aded angustè sunt habiti Carolus, &  
socij, vt singuli integrum trium pal-  
morum spacium non haberent. inde il-  
lis tot arumna, vt singuli corporis  
sensus suos quisque dolores haberet  
quibus affligeretur. Ad somnum ex-  
tendere se non poterant; cibus nun-  
quam eximebat famem, sed mortem  
tantum arcebat. Diuinum tamen sa-  
crificium, quod Carolus quotidie ce-  
lebrabat, vim animi ei tantam adde-  
bat, vt diceret, sibi ergastulum illud  
paradisum videri; licèt in æstate diur-  
nis nocturnisque sudoribus maderet,  
hieme autem frigore acerbissimo ge-  
lidus rigeret, vt taceam odorem te-  
rrimum, & vermes, aliasque sordes  
humani corporis in situ, squalore, at-  
que putredine. In quadragesima, om-  
nes quotidie benè longam verberatio-  
nem instituebant. Sed & aliàs, extra  
festos dies idem agebant quotidie;  
MARIANO quoque officio, præter pen-  
sum canonicum, quotidie recitato. 4.  
Nouemb. 1620. S. Caroli depreca-  
tione acris illum febris, nullâ medici  
ope, deseruit, redditum sanitati. Cum  
ad supplicium vocarentur, psalmos  
vnâ, cum dulcissimis lachrymis ceci-  
nere. In loco supplicij triginta millia  
Christianorum qui affluerant sunt  
censa. Columnis alligati steterè per  
horam, antequam ignis subderetur, &  
Carolo incipiente, læti cecinere: *Lau-  
date Dominum omnes gentes.* Cum iam  
lenius

Fidel.

14. Dec.

Sacrific.

Mortif.

2. V.

4. Nouemb.

Oratio.

lenius

entus ignis arderet, duo Iapones facti sunt fidei desertores. Et verò Carolus flets ante prædixerat; non omnes ex eo numero coronam accepturos è manibus Angelorum. Scintilla quædam è rogo in pectus Caroli aduolârant, eique adhærescebant. vnde ille primus corruit lento illo igne extinctus, secutis reliquis. Omnes de Societate fuere octo: ex Ord. S. Dominici item octo, Minoritæ quatuor: triginta alij Christiani. Prædixerat Carolo P. Bartholomæus Riccius, illum in Iaponia fidei odio occidendū. Orandi signo domi audito, statim in genua se abiiciebat, nec surgebat vsque dum hora essueret. Eos qui in Christi odium de Societate sunt occisi, nominatim singulos adnotabat, & priuatâ religione quotidie illorum opem exposcebat. Cusi sunt à Spinolarum familiâ in clytis & facinoribus & opibus orbi notâ, nummi cum imagine Caroli conflagrantis. Socij P. Caroli ea in morte fuere hi:

P. SEBASTIANVS  
QVIMVRA.

Iapon. ibid.  
ætat. 17.  
Soc. 38.

**F**Vit hic primi qui in Iaponia Christum agnouit nepos, ex illustri plurimum in fidei odium casorum domo; idemque primus Iapon Sacerdos, anno 1601. initiatus. Paupertate, candore animi, ac simplicitate morum erat amabilis; orandi tam studiosus, tamque accuratus, vt semper illi ad ma-

Oratio.

num fuerit arenarium horologium admetiendum precatiois tempus. Inter flammam per trium horarum spacium stetit, summâ & quietâ lætitiâ, oculis in cælum sublatis, manibus in crucem ad pectus compositis.

*Sex reliqui, tyrones Iapones.*

Combusti sunt cum Carolo, & Sebastiano tyrones hi;

*Antonius Kinni. Gonsalvus Fusui. ætat. 40.*

*Ludovicus Gauara. Michaël Xumpo. ætat. 33.*

*Petrus Sampo. Thomas Acafoxi. ætat. 50.*

Septimus ante alios combustos, cum palus cui alligaretur, ad manum non esset, capite truncatus est *Ioannes Ciuicoga.*

His oblata erat libertas, si Christum desereretur: sed mortem potius elegere; ac mortis accepto nuncio vnâ omnes *Te Deum laudamus* cecinere. *Petrus Sampo* ludici multa dicenti; *Vtinam*, inquit, vox hæc mea toto regno latè posset audiri! *Altissimos montium vertices conscenderem; & omnes omnes Iapones, die ac nocte adfitem, ad cælum, euocarem.*

*Thomas Acafoxi*, Domus famulum captum duci cum vidit, etiam se quaesitum fuisse ad necem certior factus, eos à quibus quaesitus fuerat esse affectus, dixitque; sibi ea vincula debere, non seruo. Dimisso ergo seruo substitutus ipse, vinctus, & flammis lentis absumptus est.

V V 3

XI. DIE